

- 7 Mé húóm Njunà, à lé naâ béh te veéne yili sòm, à kulu sòm yúlá-temé beèh lè seèn ndò. Sâ dɔ́ɔ́ɔ́, ye te béh ñene kɔ tɔ̀nɔ̀r húóm-temé nyî teèn.
- 8 Né lom felè beèh faá cí nɔ yaám ndeé, ye te kónkɔn bô lo nyî yam sie lom béh beè mé gùm mene.
- 9 Njií mé à lo naâ ter nyegé naáb kwaá sâ, lo naá gií mé kàgà-ndòn seèn, ye te ndeé mboón mé Kristò ma. À béh hên feh keéh né cí,
- 10 wa loù mé wón nde né teèn gií, nyí nde né ñjèh ké te vulúu mé ká doó mene dɔ́ɔ́ɔ́ bècénè horó bilí, te Kristò den lom felè bɔ̀n kɔ́.
- 11 Mé Kristò béh baá gi mé gà teèn. Sâ tueé né ye, Càn lo béh ter ké toò balé kwaá naâ mé kàgà-ndòn seèn. Né ménâ, à ñjèh dɔ́ɔ́ɔ́ bɔ́ gi yeé jéjég faá à nyegé kwaá yeé nɔ, ¹² te be terrèb seèn ñené yuo kelà yoòr beèh bò toò-jògò bò mé lo naá gií ndèm mé Kristò kwaá lɔgó. ¹³ Mé bí mene ndò, cu mé Njàgà Bagaà mé né ñgòr gècèn lé waà naâ ké lètenè bií te yili sòm bí, ñgweéh bí lé naá gií temé yoòr Kristò kwaá njií mà! Yeé baá ménâ, Càn maga kwaá gi bí yilí seèn yoòr ndò. Mágá sâ né Cúcuí Njàgâ. Cúcuí Njàgâ sâ lo ndéb seèn jegé naâ kɔ́. ¹⁴ Béh yeé kwa baá bú, béh kɔ baá-re mé ñjèh ndò, ye ñgúlú Càn né béh kela, ye loù mé Càn nde né béh dé kèi cèn yili sòm wa, béh nde né ñgúlú seèn yieé ma. Sâ dɔ́ɔ́ɔ́, Càn ye te be terrèb nyî ñené yuo kelà cie mé ñjèh.

Pól né Càn teèn vra

15 Mo né mân, mè né lom Càᅅ felè biì mé gècên mene vra. Lòu sam, bó ye mè a, bí né lom temé yoòr Fehtoò beèh Yeésò kwaá njií, wa bí bò Yeésò bò gwaán né mé temé cén ndo ma. 16 Mè né Càᅅ felè biì vra, mè sòn dù bèh. Mè né bú dua, 17 bú Càᅅ *sùsùm, Tele Fehtoò beèh Yeésò Kristò, mè ye bú a:

Há ñéí cú bí Cúcuí seèn lòu, te bí ᅅgweé komo ñhèh, à feh ᅅgá bí gècên seèn, te bí ko ñéí cu Càᅅ dé ñéí.

18 Bú a, kúkùr seèn, à sì kwá lege ᅅgâ seèn lè biì, te bí ᅅene gèh ndèm mé à yílá kwaá né bí beè seèn mé ñéh doô.

Bú a, bó te gèh sèsàm ᅅgùlù mé bò nùàr seèn nde né kwa doᅅᅅ den den njolò biì bèsóᅅè.

19 Bú a, bó te béh bí bòó mé né gi temé yoòr seèn kwaá njií doᅅᅅ, béh ᅅene ko be terreᅅ seèn mé né lom yoòr beèh faá cí no yieé. Terreᅅ seèn bú sâ, dé seèn dé se komoò sam.

20 À lé Yeésò Kristò te cio komo soóm naâ mé terreᅅ bú sâ, à weh ᅅaá mé bú ké te vulúu, à kwaá njií bú te be gaâ seèn.

21 Felè ñhèh doᅅᅅ né bú. Terreᅅ wᅅᅅ né mene naàn, né mene gèh terreᅅ dé heè ké te vulúu doᅅᅅ, né gi ka seèn. Gwaán yílí boᅅᅅn a, ᅅgúlí yᅅᅅ méné wᅅᅅ doᅅᅅ, gwaán bú a, ndé ᅅgúlí yílá te nàm dé ké toò mene doᅅᅅ, felè boᅅᅅn doᅅᅅ né Kristò.

- 22 Càᅇ lo ka ba gulè Kristò ba yíi gi naâ njèh đóᅇ; à feh te mbàgà seèn sie kwaá né bú ndo.
- 23 Mbàgà seèn sâ né faá kukuᅇ Kristò no. Kristò mé gùm mene ᅇné yuo kelà né teèn, à yoòr né mé kèkèné Càᅇ mé gùm mene ndo.

2

Bèh yili yuod

¹ Léi toò, bí lé naâ mé gècèn mene sabé, bí né te veên teré yilá, bí lé beè Càᅇ naá gi cúg faá bò komó no. ² *Wóᅇ lé bí yoòr yila seér naâ kóó, bí ᅇᅇ seér cí. Bí lé sòn ᅇᅇ seér naâ dé mgbè terrèb ké ter ka vulú. Wa hèn, terreᅇ seèn hèllè ka gí ᅇᅇwéh ndo, née ka mé seé yoòr bò ᅇᅇsòn bò temá ndeé den ye. ³ Béh né kóó ye, béh đóᅇ lé naá gi ménâ ndo. Tuaá veên lé naâ béh lè salé, béh lé naá gi njií mé ᅇᅇ yoòr beèh gwaán né kóó bó seér, béh lé njèh đóᅇ bó gi naâ mé feh beèh ménâ. Béh sé naá gi ju mé gèh dene bú sâ die, faá bò nùàr đóᅇ no.

⁴ Mé njèh mene, húóm-temé Càᅇ né njèh yóᅇ: Càᅇ mé húóm-temé seèn né seér cu béh jere kóó. ⁵ Béh lé né gi mene toò seèn mé veên beèh hèllè komó cúg, à lé naâ béh yòᅇ dé feé mé *Kristò haá seér, à yili som béh dé lòu, ⁶ à béh te cio komo som keèh mé bú, à béh kwaá njií seér ké te vulú, te béh bó den kóó.

⁷ Càᅇ béh tànᅇr húóm-temé seèn mé Yeésò Kristò ménâ feh keéh gi né, ye te bò jomo bò

doón̄ ñene kwaá gi fùgò dueè nyí njolò. ⁸ Bí lé yili yuoó naâ mé fùgò húóm-temé Càn sâ. Lé naâ mé temé yoòr Càn kwaá njií. Bú sâ lé mé kàgà-ndòn bìi nùà ñjèh ná ñgwèh. Càn lé bí fùgò sâ haá naâ mé lèi seèn. ⁹ Béh lé seé bagaà déi bó kòmò ná ñgwèh ndo; à lé béh haá naâ dé lòu, ye te nùàr mé seé déi mbaá púnó kú cú. ¹⁰ Bí kó sér ye, Càn lo béh meè naâ koo; wa, à lo béh si bilí kwaá naâ yoòr Yeésò Kristò, ye te ká jomo, yoòr beèh ndeè yam lom bò seé bebagaà mé nyí lo naá giì léi jògò ter nyegé kwaá doò.

Gèh nùàr cén dé feê

¹¹ Mo né mân, bí múnò ñjì cú dene bìi dé léi toò, bí bòó mé Juf ñàr-lè sam, mé bò *Juf bí yilá né kurú, wa lòu sam, bó né dé boòn *ngór ñoób ma. Sâ né lom mágá te ñgàn yoòr kèb cieè mbaá ndo. ¹² Bí bòó mé bó né ménâ yilá sâ, bí múnò ñjì cú gèh dene bìi dé léi toò sâ ndo, bí bò Kristò lé née nòmò dàb we dàb ye. Sâ bí lé beè Càn née kìn ndo. Sâ te bòn bò nùàr seèn *Iseràlà bí lé née teèn sam ye. À lo né mene ñgòn ko ye te ndéb nyí mboón, mé ñjèh mene à lo bí teèn yí kèh ná ñgwèh. Sâ bí lo cu sâ née *wón ñgo ye, bí mé ndèm lè sam, Càn lé mé yilí beè bìi cu sâ ná ñgwèh ndo.

¹³ Mé ñjèh mene, kènê Càn bí bò Kristò sie bilí gi aá kèn. Bí bòó mé lé naá giì nòmò dàb we dàb mé Càn léi toò sâ baá gi kènê kwarè seèn. Sâ doón̄ né gi mé njua húóm Kristò. ¹⁴ Càn beèh né bú. Lòu sam, à lé naâ feh seèn *semé, à sie bilí bò Juf mé bòó mé Juf sam mé ñjèh, à tulu som

kòṅ mé lé naâ bó mé sòn hihiné kerré kwaá doô. Bùnò gi lètenè bɔ̀ɔ̀n ndɔ̀, bó dɔ̀ɔ̀ṅ ṅaá bilí gèh cèn. ¹⁵ Né mene bò *sóú Jûf dé kàn mé dé kàn dɔ̀ɔ̀ṅ, Kristò bó tɔ̀r wula gi aá kèn, ye te gèh nùàr fà ṅa bilí, bó me yuo gèh dé feê cén, bó den yoòr nyí, bó ṅgweé fu ma. ¹⁶ Kristò yeé kuú baá ké ter te toú, à kuú nyoló lo kèrrè hèllè ké teèn sá. À lo gèh nùàr fà sie bilí naâ mé cio bú sâ, te nde ye gèh dé feê cén ṅaá, à nyɔ̀gó njií bú yoòr Càn. ¹⁷ Kristò lé ká te wónṅe ndeè naâ Njàgà Bagaà se ndɔ̀, te bí bòó mé Jûf sam kwa gi còṅ, wanɔ̀ɔ̀ṅ bí bò Càn lé naá gií nòmò dàb we dàb. Dèi né cu, te bò Jûf mé né dé bɔ̀ɔ̀n kwarè Càn kwa gi còṅ ménâ ndɔ̀. ¹⁸ Sâ kènê né mene Jûf mene Jûf sam dɔ̀ɔ̀ṅ, Cúcuí Tele beèh Càn né gi béh yoòr, béh baá mé sòn toò Càn; né mé njua Kristò.

¹⁹ Mɔ̀ né mân, sâ bí bòó mé Jûf sam dɔ̀ɔ̀ṅ, kìn beè Càn sam cuú. Bí bó nòmò dàb we dàb sam cuú ndɔ̀. Bí kènê baá gi huaán, faá bò dèi nɔ̀, bí bó kènê mbàgà Càn sio né dɔ̀ɔ̀ṅ, bí bó né bò nùàr seèn. ²⁰ Bí né gi felè maàṅ meé den. Maàṅ sâ né bò mbòṅ tebê bó bò *sòn-Càn bò. Taá dàn teèn né bú Yeésò Kristò nùà njèh. ²¹ Gwà sâ tarésé den né mé bú, te ham nyegé bagasé, ṅa gwà Càn dé koô mé bú nùà njèh ndɔ̀. ²² À gwà sâ me né mé bí, te den bèh joloò Càn, Cúcuí seèn cer beh teèn. Lòu sam, bí bò Yeésò Kristò né koó teé bilí.

3

Seé Pôl felè bòó mé Jûf sam

¹ Yeé baá ménâ, mè Pôl mé né ká gwà cibì felè Yeésò *Kristò, mè né Càṅ felè bìi bòó mé Jûf sam dua. ² Bí lé naá giì ṅweé, ye Càṅ mé húóm-temé seèn lé naâ mè seé hên jege haá, ye mè a, ndé ké lètenè bìi seé nyî bòó jegé. ³ Njii mé à lo naá giì nyegé naáb kwaá sâ, à lé naâ mè njolò ṅené feh ndo. Mè la naâ bò njàb déi teèn nyagá weh, te mè tema njii bí. ⁴ Mo bí baá mvù mò hên jané, bí nde né teèn ṅené kóó, ye mè né gi mé njèh nâb felè Kristò sâ ká lè ma. ⁵ Njii mé lé naâ lòu leér den sâ, Càṅ lo bú mé bò léi-toò bò ṅéné fèh ná ṅwêh. À nde Cúcuí seèn yoòr bò mbòṅ tebê seèn mé bò *sòn-Càṅ bò tema njii seér aá kènê, te à nde ye bó ṅené feh. ⁶ Njèh lèrrèb sâ né ye: mé Njàgà Bagaà sâ, bò Jûf mé bòó mé Jûf sam doón, nde gi né ṅúlú Càṅ yieé, bó doón baá gi yoòr yo cên, bó né gi te ndéb mé Càṅ lo kwa kwaá naâ mé Yeésò Kristò doò teèn ndo.

⁷ Mè mbòṅ Njàgà Bagaà hên ṅa lom né mé fùgò húóm-temé Càṅ felè mò, à mè terreèb seèn yoòr nyeén su né kóó. ⁸ Wanóón, ṅweéh lètenè bò nùàr Càṅ doón, lolôb cèrè-mbâṅ bò cèrè-mbâṅ faá mè no sam mà. Mé njéh mene, Càṅ né cu mè jere lòu kóó seér, ye mè a, ndé bòó mé Jûf sam ṅòr felè ṅúlú mé né beè Kristò se. Mè tueé bí, ṅúlú bú sâ dé tueê sam. ⁹ Ye mè a, sè ṅágá kwá nùàr doón tieè ma, te bó ṅweé ko gèh dé mé Càṅ né njèh nâb sâ mboón. Nùà njèh né bú Càṅ, à lo ménâ nyegé nab kwaá naâ kóó, ¹⁰ ye te ndeé ṅené yuo kelà te mbàgà nyî mân, te bò cili Càṅ bó bò tetarê bò ké ter ka vulù ṅene ṅagá kóṅkoṅ

nyí mé ceér hihiné teèn. ¹¹ Càn mé Yeésò Kristò Fehtoò beèh mân boó né jéjég faá à lo naá gi mé kàgà-ndòn seèn dé kèi cèn nyegé kwaá no. ¹² Kènê, béh baá mé sòn toò Càn teèn, béh njeré déi vèh cú njua mé béh né beè Kristò, mé temé beèh né gi yoòr seèn ndo. ¹³ Sâ kúkùr bìi, mo dà m gèr né mene mè seé felè bìi weh, bí té gùr, mè gèr ñene né te bí yila ñgùlù Càn.

*Gwaân *Kristò*

¹⁴ Yeé baá ménâ, mè né toò Tele beèh Càn cemmé. ¹⁵ Né mene ké ter, né mene ká doó, mbàgà bò nùàr doón njebá gi né mé yilí seèn. ¹⁶ Càn ñgùrmò* né lom bú. Mè né bú dua, ye bú a, sì kwá bí lege Cúcuí seèn lè, te bí kwa beh terreb, bí né tég njebá taré. ¹⁷ Kristò a, cèr lòm te temé bìi tég. Lòu sam, bí temé kwaá ñjii né yoòr seèn. Bú a, bó te gwaân yii lom jògòb lètenè bìi mé terreb, ¹⁸ te bí bò nùàr Càn mbaábi ñgweé komo ye dàb bô hám gwaân Kristò, bí ñgweé komo gèh dé mé gwaân Kristò teèn né yilá keéh ndo. ¹⁹ Dé sâ né môn, bí nde né gwaân seèn ñgweé komo. Njèh cén, nùàr bú mé gùm mene ñgwé kòmò bèh. Mé njéh mene, mo bí baá bú ñgweé kóó, te bí yoòr den lom mé kèkèné Càn mé gùm mene.

²⁰ Bú nuaá mé né seé yoòr beèh mé terreb seèn boó, nde né faá béh dua né bú no boó yògò keéh. Béh né mene njeré déi lòu munó loó, à nde né béh ménâ boó yògò keéh ndo. ²¹ Kùsèm, ñgóg

* **3:16** 3:16 Nuaá mé né gi mé njèh doón beè.

Càṅ a, ṅgúlí dèn te mbàgà seène mé Yeésò Kristò dé nyèmà mé nyèmà ménâ. È môn.

4

Yo cén mé gà hihiné

¹ Sâ, mè nuaá mé né dé mò ká gwà cibì felè seé Nùà Dueè hên, né bí bɔṅ, ye bí a, bí dèn lòm dene jéjêg mé Càṅ né bí mé njéh yilá sâ. ² Bí dèn lòm yebbésé, dolésé, léláṅ sèṅ; bí né lètenè biì yoló kuú, bí né lètenè biì gwaán kuú ndɔ. ³ Bí kóo ye, Cúcuí Càṅ né bí bècénè teé bilí. Bí lègè lòm tég, te bí den le bò cên bò, bí den mé còṅ lètenè biì, faá Cúcuí te bilí né bí ndɔ. ⁴ ṅgweéh yo *Kristò né gùm cén, Cúcuí ṅagâ cén ndɔ mà. Mé ndèm né ménâ ndɔ, à né lom bèh cén. Càṅ bí doṅ yilá bilí gi né teèn. ⁵ Fehtoò beèh né lom cén, bèh temé kwaá njiì cén, nòmò Càṅ kou cén, ⁶ Càṅ né lom cén ndɔ, Tele beèh doṅ né bú, felè njèh doṅ né bú, à seé boó laré né doṅ, lè njèh doṅ né gi bú ndɔ.

⁷ Bí kóo ye, lètenè beèh nùà kàn né mé gà seé seèn yoòr faá Kristò haá keéh né bú mé húóm-temé seèn ndɔ. ⁸ Né faá né te mvù Càṅe felè Kristò nyagá kwaá ndɔ, ye:

À yeé baá ké ter te vulúu ṅaá ndeé,

à sie sie bò bònò bò beè,

à seé ká doó haá lo mé bò nùàr.»

⁹ À yeé ṅaá nde aá ké ter te vulúu, sâ tueé né ye naàn? ṅgweéh sâ ye, à lo jògò kura suagà logó naâ tóg ká doó mà. ¹⁰ Nùà cên mé lé ká doó

suagà naâ kɔ́ sâ, lé ké ter felè vulû ñaá nde cuù naâ kɔ́, te à ñené yuo kela giù te ñjèh dɔ́ɔ.

¹¹ À nùà kàn seé hihiné haá né kɔ́; à bò déi haá né seé mbòñ tebê, bò déi *sòn-Càñ, bò déi ñgòr Càñ se yòòñ, bò déi tèn bòn bò Kristò bò, bò déi nùà fèh-ñjèh. ¹² À bó seé hihiné méná geé haá né te bó gam bò Càñ bò, bó yíi gi be te seé Càñe ndɔ, te mbàgà Càñ mé né kukun Kristò kwaá yam ñjii gi temé yoòr seèn. ¹³ Gèh dé sâ, ndeè béh sie bilí nyegé nde né kɔ́, te temé mé béh né yoòr Kristò kwaá ñjii dɔ́ yuo gi kèi cén, te béh dɔ́ɔñ kɔ nyegé Ñunà Càñ bagasé, béh kula jolo wa ye nùàr faá bú nɔ, béh yoòr den mé kèkèné seèn mé gùm mene ndɔ.

¹⁴ Sâ, béh faá bò huaán memanè dèn ndé cú. Gwaán cu sâ ndéb bò nyeèn bò né mene ter lulí ñaá, mé béh kóbó ndóré gò ndé cú, faá fu né mé mvùòb nòmò dùà dɔ́ɔñ kobó ndóré gɔ nɔ. ¹⁵ Béh dé beèh túé ñágá sér á gècèn mé gwaân mene; béh né te ñjèh dɔ́ɔñ mé gècèn mene kulá laré, te béh kula wa faá Kristò nɔ. Felè beèh né bú. ¹⁶ À bò gà hihiné bècénè me jolo bilí né kɔ́. Bò gà sâ yo ña né kɔ́ ndɔ. Bò gà sâ, dé kàn yoòr mbeí bagasé nyogó nde né mé cègè seèn faá Càñ bóó kwaá nê nɔ; ye mɔ gà dé kàn baá seé seèn faá tueé nê nɔ bóó, te yo somo huòm, gwaân yam sie bú beè mé gùm mene ma.

*Dene dé feê mé *Kristò*

¹⁷ Mè bí hèn tueé ñjii né mé yilí Nùà Dueè: Càñ a bó bí gɔ cu gò bò Càñ-kô bò déi. Bó dé bóòn

ko cegé né mbaá munó cur njií, ¹⁸ lo boòn felè né cibi mbaá, bó te yòn Cànje né kìn. Lòu sam, bó né bò cùr, bò tanḡwan bilí né bó ndo. ¹⁹ Bó fegùli kó cú, bó yoòr yo waá seér né fúár; bó né núlú yoòr huan su, dé sie komoò sam nde cuú.

²⁰ Bí gè lòm mé ceér boòn nɔ́ɔ́ɔ́. Kristò lé bí dé biì gèh dene bú sâ fèh sér ná ḡwêh. ²¹ ḡgweéh mé gècèn mene, bí lé naá giì kùr Kristò ḡgweé, bó feh bí gècèn mé né yoòr seèn ndo mà. ²² Sâ, bí húár yùò lòm dé biì te dene bú léi toò hèllè nɔ́ɔ́ɔ́, bí ḡá bò fefeê bò, wanɔ́ɔ́ɔ́ gèh dene bú léiáḡ négèr hèllè lé bí bele njií seér naâ lè cio. ²³ Kènê yoòr biì a, ḡéné sér á dene feê, mé mùnò feê ndo. ²⁴ Bí yoòr sù sér á yo dé feê. Bú sâ né yo mé Càn lo sií naâ, ye te felá yo dé nyí nùà njèh; te teèn ḡené lom seé didilí, jéjég seê mé yuo yeé te gècèn.

²⁵ Mo né mân, bí máb nyeén! Nùà kàn a, túé lòm gècèn mé mbeí. Lòu sam, béh dɔ́ɔ́ɔ́ bilí me gi né yo cén. ²⁶ Mo temé baá nuaré déi yulá, bú a, kèkèè; mo sam, à nde né veèn mé njéh sela. Nùà a, té mé yulá-temé lè gùm cieê só yíli. ²⁷ Bí té ḡwàn mé táhòrò yíi keéh be teèn. ²⁸ Nuaá mé né yeé yíb ḡuɔ́ɔ́b, bú a, sòm be teèn nɔ́ɔ́ɔ́. Bú a, té kòb bó cú, à lègè sér mé ba beè seèn te gam bú, à gam keéh bò saám bò teèn ndo. ²⁹ ḡòr a, té bí sònò yùò jéiá; sònò biì a, yùò sér bò ḡòr bebagaà mé nde né bò mbaábi te ceér Cànje gam, te Càn kulu bó mé njéh. ³⁰ Càn a bó bí boó yulá Cúcuí Càn temé; bí kóo ye mágá Càn nùà njèh

yoòr bìi né bú. Temé beèh lè die né mé bú, ye loú sâ wa, Càṅ nde né béh dé kèi cên yili sòm ma. ³¹ Bí káb lóú nǝí jé-lá-temé ké dàb; nǝ-temé bô fú-rú-temé ké dàb ndɔ. Tɔgɔ bô séb a tǝndɔg. Bí té temé jéré, te ṅgòr veên leér yuo lètenè bìi. ³² Bí dèn sér lètenè bìi léláṅ húóm-temê, bí né mé jere lètenè bìi kɔ́ kúú ndɔ. Dé kàn a, kúlú sòm veên mbeí senà lè seên, faá Càṅ né veên beèh doó mé Kristò kulú nǝí nɔ.

5

Dene bèh ṅagá

¹ Kènê, bí baá bô huaán yíé-temê Càṅ. Mɔ né mân, sâ dene Càṅ nùà ṅèh a, ṅéné lòm yoòr bìi kɔ́. ² Bí ṅèh dɔ́ṅ bó gí mé gwaân bô mbaábii lè faá *Kristò né mé gwaân beèh lè nɔ. À lé mé ṅéh kúú naâ felè beèh, à nde dé seên Càṅ *sèmè haá seér mé gùm seên nùà ṅèh; te yo Càṅ nɔré mé ṅéh.

³ Kènê, bí baá bô nùàr Càṅ; Càṅ a bó bí nde yàgà; bí té négér cór, bí té temé te ṅgúlú kwá nǝí. Né mene dé tueê, gèh bô nǝí hèn a, té sònò bìi yùò. ⁴ Bô ṅgòr vevenê a, té sònò bìi nduàlè yùò. Né mene ja, bú a té bí sònò yùò jé-lá vé ndɔ. Bí te ṅèh dɔ́ṅe vrà sér Càṅ dé vraà. ⁵ Mè né tueé ye bí a, nuaá mé né sár gwaá, bô tánégér mé nùà nyaâ dé bɔ̀n ṅgúlú Kristò bô Càṅ yíé ndé ṅwéh. Dé nyaâ, nǝí mé nùàr né mbeí nomó dɔ́ṅ, né cècàṅ beè nùà sâ.

⁶ Càn a bó nuaré déi waà, né bí mé bò ngòr mbembaâ bele weh. Bí kóo ye, temé né yeé Càn mé bò seé vevenê hèllè ñaá, à jeré njií bò dúágá-tie bò gèr yoòr. ⁷ Bí bò sâ bò té mé njeré déi bó kwàrè gùm dɔɔŋ.

⁸ Bí dé bìi te cibi faá léi toò nɔ sam cuú, bí kènê yoòr baá gi mé ñagâ Fehtoò beèh Yeésò Kristò. Bí gò bá gò nuaá mé né bèh ñagâ, ⁹ bí né tàb faá bòò mé né bèh ñagâ nɔ waá ndɔ: bí dèn lòm léláŋ húóm-temê, léláŋ dene dilî, mé léláŋ gècên. ¹⁰ Bí lègè lòm tég, te bí ñene kɔ bò njií mé né Fehtoò beèh yoòr huóm, bí bɔó cí. ¹¹ Bò ñgiín seé mé bò macùr né bèh cibi bɔó dɔɔŋ, bí té be teèn yí, bí sàlè sér bó mé njéh lòù. ¹² Wanoóŋ njií mé bò sâ bò né yeé lòù bɔó leér gɔ hèllè, dé mé nùàr nde né tueé komo mé fegùli sam. ¹³ Mɔ bó né njeré déi cie salé sɔm, kèkènè njií sâ nde né cie ñagá le. ¹⁴ Lòù sam, njií mé né ye bèsonè dɔɔŋ, né suútenè. Bó te mvù Cànɛ tueé né dé cí, ye: Wò baá lóm kpóg.

Nyìmè yùò lètenè bò komô nyìmè,
te yoòr yeé ñenè seér ñagâ Kristò.»

¹⁵ Sâ, mɔ né mân, kɔ bí bɔŋ nyegé feh mé dene bìi bagasé ndɔ. Bí té dene macùr kèrà; yoòr bìi a, yám sér á dene kógòn. ¹⁶ Lón mé né toò bìi ñenè dɔɔŋ, bí té yì kéh, wanoóŋ cafanê veèn fíí né kela. ¹⁷ Bí té lòù bó mbì njí, bí félá nyégé lòù, te bí ñgweé ye njií mé Fehtoò beèh né gwaán, bí bɔó cí. ¹⁸ Bí té mbè sèlà. Mɔ sam, bí lòù ndabé seér aá kèn. Sòn sâ, bí sèlà sér Cúcuí Ñagâ, ¹⁹ bí né ngòr Càn mé benè lètenè bìi se kuú, bí né

tòu Càᅇ lòu de; bò bené mé Cúcuí Naᅇâ né bele teèn đóᅇ, bí sén gí Fehtoò beèh mé njèh seèn, bí sén lòm bú mé temé bìi mene. ²⁰ Bí vrà làrè Tele beèh Càᅇ te njèh đóᅇ, bí vrà bú mé yilí Fehtoò beèh Yeésò Kristò, bí té sòn dù.

Dene ma gwà lètenè si bô veèh

²¹ Bí bòò mé né *Kristò veèh đóᅇ, bí ᅇgwé kú sòn lètenè bìi ᅇgwèè.

²² Bò véh a, ᅇgwé sòn bô si bòòn faá bô ᅇgwéé né sòn Fehtoò beèh nɔ. ²³ Lòu sam, felè veèh né si; né faá felè mbàᅇà Càᅇ né Kristò ndo nɔ. Mbàᅇà sâ né kukuᅇ seèn, à bú yilí som yeé kóó. ²⁴ Sâ bô véh a, ᅇgwé làrè sòn bô si bòòn te njèh đóᅇ, faá mbàᅇà Càᅇ ᅇgwéé né sòn Kristò nɔ.

²⁵ Mé bí bô siíb ndo, bí gwàn lòm bô veèh bìi mé temé cén faá Kristò lé naâ mbàᅇà Càᅇ gwaán, à kuú felè seèn nɔ. ²⁶ À lé teèn kuú naâ ye te mbàᅇà Càᅇ den lom beè Càᅇ ᅇᅇásé, faá nyí lé naá ᅇi bú mé nòmò bô ᅇᅇòr nyeén kwaá nɔ. ²⁷ Sâ đóᅇ, ye te mbàᅇà Càᅇ toò nyí yuo kela lom kóbè sâ, à luagár huom yàᅇà, à den píᅇ, à dé nyí den lom mé ᅇum mene.

²⁸ Mɔ né mân, sâ bô siíb a, gwàn lòm bô véh bòòn mé temé cén faá bô gwaán né ᅇᅇàᅇ yoòr bòòn nɔ. Nuaá mé né veèh mé temé cén ménâ gwaán đóᅇ, gwaán né ᅇᅇàᅇ yoòr seèn nua njèh.

²⁹ Á sâ, nuaré déi né yeé ᅇᅇàᅇ yoòr seèn kóó bunó cuú ndo wa? ᅇᅇweéh à bú kóó seér yeé mé yáb, à bɔᅇ nyegé bú wa? Né faá Kristò bɔᅇ yeé mbàᅇà Càᅇ ndo nɔ. ³⁰ Lòu sam, béh đóᅇ,

béh né gi bò gà seèn. ³¹ Né dé cî mé nùàr nde né tele bô meí sí lóó, à nde veèh kwa, bó bú den, te bó fà dɔ́ɔŋ ɲa lom cén.» Né te mvù Cànje ménâ nyagá den. ³² Ngeì ngòr gècèn né te lèmè hèn ɲené ɲagá. Mè kɔ né dé mò ye, ngòr hèn tétég jue né Kristò bô mbàgà Càn. ³³ À jue cu ma gwà ndɔ. Nùà kàn a, gwàn lòm veèh seèn mé temé cén faá à gwaán né ɲàŋ yòòr seèn nɔ. Ma dé kàn a, ɲgwé táré sòn siì ndɔ.

6

Bò huaán bó bò tele mé meí

¹ Bí bò huaán, seé biì toò Fehtoò beèh né sòn bò tele biì mé meí biì ɲgwèê, te dilí ye. ² Né te mvù Cànje ménâ nyagá den ndɔ, ye: ɲgwé sòn tele yeè mé meí yeè ma. Bèh joloò Càn dé toò jògò mé ndéb né teèn baá ye bú hèn, ³ ye mɔ wò né mân bóó, wò nde né samésé den, cieé yeè maga ye ká te wónje ndɔ.

⁴ Mé bí bò tele huaân ndɔ, bí té bò huaán temé bó yúlá, bí léb sér bó ndéb, bí né bó mé temé Fehtoò beèh lè soró nyegé.

Bò kwer bó bò tele seé bɔ̀n

⁵ Bí bò kwer, bí ɲgwé sòn bò tele seé biì, bí vèh bó veèh, bí né toò bɔ̀n lòu ndelé seér. Bí bó lòm seé bɔ̀n mé temé cén faá né seé *Kristò nɔ. ⁶ Bí té lélán njolò nùàr bó húóm lòm, ye te bó keí bí, bí dɔ́ɔŋ bó sér faá bò kwer Kristò nɔ. Bí ɲèh dɔ́ɔŋ bó gí mé temé cén faá Càn gwaán

nê nɔ. ⁷ Bí seé boòn bó lòm mé kàgà-ndòn biì faá né seé Fehtoò beèh nɔ, bí té túé ye né lom seé dé bò nùàr. ⁸ Bí kóɔ ye, nuaá mé né seé teèn boó yíí doón, né mene kwer, mene kwer sam, nde né sàgà beè Nùà Dueè mé seé sâ kwa ma.

⁹ Bí bò tele seê, bí bó yí mé bò kwer biì teèn ménâ ndo, bí té bó lòu mgbálé. Bí kóɔ ye, ké te vulúu bí bó doón né gi mé Tele cên, à dé seèn nùàr lòu gèi bèh.

Kò bò Yeésò bò

¹⁰ Mè tueé lo né ye bí a, bí bílí dèn gí beè Fehtoò beèh, te bí taré nyegé mé terreɓ dé seèn. ¹¹ Bí yoòr wèh sù kwá sér bò njèh taâb mé né beè Càɲ, te bí kwa nyegé terreɓ, bí njebá taáb mé táhòrò nùà kónkòòɲ, à bí bèlè cú. ¹² Bí kóɔ ye, béh taáb sâ mé nùàr líe njí ngwéh, béh lie njíí né mé bò càɲ tándulu ké ter ka vulú, béh lie njíí mé kundun *wón cibì bó bò terreɓ ká teèn hihiné mene.

¹³ Mɔ né mân, bí beè njebá lòm mé bò njèh taâb dé Càɲ, te lòu mé cieé veèn nde jueè teèn, bí kwa terreɓ, bí weh *Sátàn seé; bí kɔ taáb, sâ bí née ter njebá den ye.

¹⁴ Bí mélá dèn gí te gule; bí dèn lòm bò gècên bò, sâ né kàndá biì, bí teneè cam kwá cí. Dene dilí né cògò taâb biì, bí yoòr vùòb kwá cí. ¹⁵ Bí yílá Njàgà Bagaà mé feh mene seè, te nùàr doón kwa dolê. Bí yílá ménâ, sâ né débágá biì, bí gulè yí kwá cí. ¹⁶ Bí kwá njí dèn temé yoòr Fehtoò beèh, kò biì né cí, te cíí nyegé bí, sàɲ bí siè cú.

Táhòrò né mene bí sàṅ yoòr si njií, nde né mbaá nyimé le. ¹⁷ Bí gwàn lòm dé gwaán ye Càṅ né bí yili sòm; tàṃ taáb biì né cí. Bòu-taáb biì né ṅòr Càṅ; bí wèh siè beè. Cúcuí Nṅâ haá né bí kóó. ¹⁸ Bí dùà dèn Càṅ cu dɔ́ṅ mé Cúcuí seèn lè, bí té sòn mé bú dù. Bí dèn làn ndo, bí né téḡ njebá taré, bí né Càṅ felè bò nuàr seèn dɔ́ṅ dua laré.

¹⁹ Bí né bú felè mò dua ndo; bú a, há mè njàb ṅòr mé né teèn yilá, mè tueé cí, te mè se ṅaré nyegé Njàgà Bagaà mé lé naâ bèh naâb leér den doô, mè njeré déi vèh cú. ²⁰ Mè la née mene ká gwà cibì ye, mé njéh mene, Yeésò Kristò mè sie kwaá né nuà tebê, ye mè a, sè Njàgà Bagaà seè. Bí dùà Càṅ felè mò, te mè se lom mé terreḃ faá gwaán nê no.

Bèh cerê

²¹ Yíé-temé beèh Tisìk mé né seé Fehtoò beèh teèn bɔ́ yíi, tueé nde né bí dene mò kóó, te bí den mé njàgà mò tieè. ²² Mè bú ké yoòr biì tétég tema njií né dé cí, te bí kɔ̀ gèh dene beèh, temé die bí lè.

²³ Tele beèh Càṅ bô Fehtoò beèh Yeésò *Kristò a, há làrè bò mbaábi dɔ́lê dɔ́ṅ; bó a, bó te bí gwaán kuú lètenè biì, bí kwaá njií ṅeí temé yoòr bɔ́n dé ṅeí. ²⁴ Bòó mé né gi Fehtoò beèh Yeésò Kristò dé kèi cèn gwaán dɔ́ṅ, húóm temé Càṅ a, ká siè gí bó beè.

Mvù Ngòŋ Feê
Mambilla NT (Cameroon-Le Nouveau Testament en
mambila)

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 13 Jul 2024 from source files
dated 29 Jan 2022

f0e8e7ba-c2cf-57f7-9a60-8ff0e792e158